

KINA CHA FIKIRA



KAULI YA WALIBORA

"Huwa wanani-shangaa kila nikitaja nambari kwa Kiswahili. "Unasema nini?" Wanapigwa na kibuhuti kama walioona mvua ikinyesha bila ya kuwapo kwa mawingu."

NI nini kitawafanya Wakenya wazungumze Kiswahili sahihi na sanifu? Hili swalii linanitanza wala sijui jibu lake. Kila niptapo watu wanataja tarakimu au nambari kwa Kiingereza huku wakidai wanazungumza Kiswahili.

Sikiliza vituo vya radio. Kila watanagazzi wakitaja tarakimu katika vituo vya Kiswahili, mathalani nambari ya simu au nambari ya usajili wa gari, zote wanazitaja aghalabu kwa Kiingereza. Utawasikia wanasesma zero, seven two two, zero two one... Wasikilize wafanyabiashara nao na wateja wao, aghalabu wanapopiga bei ya nguo, nafaka au chochote, aghalabu wanataja bei kwa Kiingereza ingawa wanadai wanazungumza Kiswahili. "Hii unaauza how much?" "Hii ni five forty." Utawasikia wahudumu wa vituo vya mafuta nao wakisema kwamba nambari ya tili ya lipa na mpesa ni "one eight two five ten."

Kwa hiyo, kwa hawa wasemaji hodari wa Kiswahili watu wanaotaja tarakimu kwa Kiswahili hasa kama mimi ama ni mahambe au wanazungumza lugha ya kigeni. "Ee?" Huwa wanani-shangaa kila nikitaja nambari kwa Kiswahili. "Unasema nini?" Wanapigwa na kibuhuti kama walioona mvua ikinyesha bila ya kuwapo kwa mawingu.

Je, ni kosa kufikia mkataa kwamba nambari au tarakimu za Kiswahili zinaendelea kuwa msamati wa kigeni, msamati usioeleweka? Je, kusema one ni bora zaidi kuliko kusema moja? Kuna fahari zaidi kusema five forty badala ya kusema mia tano arubaini?

Mantiki ya kunogesha Kiswahili kwa tarakimu za Kiingereza bado hajani-ingia akitili. Labda ni kwa sababu ya uzumbukuku wangu; zumbuku hapa nilipo sijui ngoma ipo wapi. Ila mpaka sasa sijasikia wasemaji mahiri wa Kiingereza wakipachika pachika tarakimu za Kiswahili ama Kiganda, Kisebei, Kimaragoli, Kichagga, Kihaya au Kiduruma katika mazungumzo yao. Naam, bado katika umri wangu wa makamo, sijawahi kumsikia msemaji asili wa Kiingereza akisema, "There were ham-



Ajabu ya kuonea fahari Kiswahili kilicholemaa!

sini girls at the party au *You need to buy a motorbike worth sitini shillings.*

Vile vile, sijawahi kuwasikia watu wa kwetu huku wakihamisha hamisha tarakimu za lugha moja asilia hadi kwa lugha nyingine. Mathalani ni muhalii kumsikia msemaji wa Kikikuyu akisema "andu ario" kwa kuongeza neno "ario" la Kijaluo la tarakimu. Hata hivyo, wanaasimu wanapaswa kutufumbua macho kuhusu vile maneno ya Kiarabu kama vile "thenashara" kwa maana, ya 12 yalivoingia na kukita kambi (kauli iliyyoshika sana siku hizi) katika kanzi ya maneno ya tarakimu za

Kikikuyu.

Baadhi yetu tutakerwa na juhudii zozote za kuchanganya tarakimu za lugha zetu na lugha nyinginezo za huku kwa jumla. Ila ambavyo neno "thenashara" la Kiarabu limeshabukaliwa katika Kikikuyu na maneno "one, two, three," ya Kiingereza yamebisha hodi na kufunguliuwa milango katika Kiswahili, hatuna budi kujifiliza maswali chungu nzima. Mbona maneno ya mbali yanatamanisha zaidi?

Ni lini Kiswahili kitakuwa Kiswahili hasa? Mbona si kila mtu anakionea uchungu au kukerwa na kudhalilishwa kwa Kiswahili?